





計部奏疏

卷之五  
新餉司





計部奏疏目錄卷之五

新餉司

關餉詘乏有因疏

原經職掌當明疏

請官更替以全子道疏

重地旱蝗異常疏

觸事懷忠疏

軍興有需部入無額疏

軍需設措無計疏



南糧已抵天津疏

請帑發帑奉有 明綸疏

欽奉 明旨疏

五年關運事竣疏

因塘報以修戰備疏

奴酋尚懷再逞疏

五年鮮運事竣疏

遼餉之額漸虧疏

清查南糧逾額疏

塘報近真隄備宜急疏

運關米豆騰貴疏

總括軍需收支大數疏

奴酋再逞可虞疏

鮮糧久奉 特旨疏

恭報選兵足數以備撥遣疏

糧料並缺疏

夷氛未靖防禦宜嚴疏

異常神奸假咨騙餉疏



恭報任內收支錢糧疏

欲用將士之命必須激勸之資疏

欲用將士之命疏

欲掃奴氛先固疆圉疏

鮮糧久奉 特旨疏

特舉節省司官疏

災異洊至不已回天無計疏

仰承 明旨恭報兵船疏

吏弊受賄飛灑疏

關庫積存已盡疏

清查事例銀兩疏

時勢可乘求謀難遂疏

虜情叵測秋防正殷疏

查出節年被劫遼餉疏



太子太保戶部尚書臣李  
等謹  
題為關餉詘乏有因微臣控疏非妄伏乞

聖鑒仍

勅諛部速發芻料價銀并酌六年虛懸米數以濟急  
需以重封疆事專理新餉山東清吏司案呈天  
啓六年二月十三日奉本部送戶科抄出經畧  
遼東薊鎮天津登萊等處軍務兵部尚書兼都  
察院右副都御史高第題前事等因本月初十  
日奉



聖旨上年減汰兵餉以八月初一日為始是時額兵  
報十一萬七千今報見在兵數止五萬八千實少  
一半其餉安在便着巡關御史從公從實將五年  
分逐月清查扣羨明白毋使內外互爭有誤給發  
該部知道欽此欽遵抄出到部送司案呈到部為  
照案查天啓五年關運米初議用一百萬石後  
關撫喻安性于五年正月內清查兵馬歲止用  
米八十五萬八千石臣部即以此為額至八月  
內閣部孫承宗清汰兵馬冊開原額每年共支

米六十八萬七百一十二石比喻撫清查歲用  
少米一十七萬石又簡汰官兵歲省米六萬六  
千六百三十石見在每年止該米六十一萬四  
千八十二石則六十八萬七百一十二石為八  
月以前實數六十一萬四千八十二石為八月  
以後實數臣于預計天啓六年疏內謂天啓五  
年原額米八十五萬八千石蓋照正月內喻撫  
所定之數耳細查樞輔所報原額在七月以前  
七個月該支米三十九萬石比汰定新額在八



言部奏疏  
月以後五個月則止該支米二十五萬石照喻  
撫原額八十五萬八千石計筭實該存剩米二  
十一萬數甚了然本無虛懸今經臣所謂虛懸  
者據餉道王元雅之呈也不知元雅所呈蓋照  
喻撫八十五萬原額筭非照樞輔冊報六十八  
萬原額筭以故數有參差耳如謂七月以前皆  
照喻撫原額支過閣部何為以多報少豈喻撫  
所云原額為確不可移之案而閣部所云原額  
為不可據之數哉試一仔細推敲二十一萬之

存剩明如指掌不待臣部之分析也今奉  
明旨見在兵數止五萬八千實少一半其餉安在  
皇上已洞燭其隱繇此推之八月初一以後之六十  
一萬尚且不可據為定額况關撫之八十五萬  
乎仍俟巡關御史將五年分兵餉從公從實逐  
月清查扣筭明白奏

奪至于薊永草豆價值見在給發運到便可抵還前  
借關屯既有十萬即當收貯咨會津門用作六  
年關餉既經題



計部奏  
請前來謹將原筭五年存剩米二十一萬再四覆查  
是否虛懸理合覆

請恭候

命下臣部除行文都察院轉行巡關御史將關門天  
啓五年兵餉逐月清查扣筭明白奏

奪外仍行文經畧津部轉令司道諸臣虛心秉公一  
照閣部數目查筭勿以喻撫之數互相溷淆則  
米當自不少矣臣等可勝待

命之至等因天啓六年二月十七具題本月二十日

奉

聖旨是欽此



太子太保戶部尚書臣李

等謹

題為原經職掌當明已完餉數宜挾謹冒昧披陳  
以祈

聖鑒事專理新餉山東清吏司案呈天啓六年二  
月初八日奉本部送戶科抄出原任督餉省直巡  
按監察御史今削籍為民王祚昌題前事等因  
本年二月初四日奉

聖旨王祚昌督餉較往年多完銀七十五萬五千有  
奇具見勞心諛部知道欽此欽遵抄出到部送司



言部奏疏  
案呈到部該臣看得宇內有司駕言撫字稽緩  
催科無論九邊舊餉視催督為故事即此關門  
新餉謂為可緩者亦自不少舍嚴叅罰一法無  
可令其依期完解者近日寧遠之役一時愴惶  
調援四起錢糧應手不及臣不勝跼天踏地焦  
心腐思於省直加派拖欠極力嚴催言事諸臣  
有謂賊退則偷安賊進則張皇兵餉宜速為處  
辦者有謂平日不能料理一旦聞警倉皇兵馬  
錢糧湏措置必預者有謂關門効死應運糧糈

許為司農之經畧者臣惟督催之外更無餘法  
復飛檄行催又新餉司移文督餉御史并力嚴  
催外今每十日移文一催第恐催者自催應者  
未必即應叅罰必不可少不可以不嚴查督  
餉御史一年差滿例有查叅王祚昌以削籍去  
任未及舉行其所奏皆省直之已完而未完者  
未之及也雖所完較前稍過而未完者尚多也  
查天啓五年省直未完共一百餘萬王祚昌請  
命新餉臣行之倘新餉臣以為此舊餉臣事而不一



言音奏別  
補行是五年分竟少此一番查叅將完者無所  
勸欠者無所懲人心從此愈玩外解從此愈少  
言之可為寒心乎舉劾原係御史職掌臣不能  
不望新任督餉御史之力為舉行也相應覆  
請恭候

命下行文都察院轉行督餉御史欽遵施行等因天

啓六年二月二十日具題本月二十三日奉

聖旨是欽此

太子太保戶部尚書臣李

等謹

題為請官更替以全子道再獻芻蕘以祈採擇事  
專理新餉山東清吏司案呈奉本部送據山海  
餉司主事王嘉言呈稱職以紕繆承乏巖關甫  
任三月今以憂去謬有一得誼難緘默敢以所  
聞并參已見列為五款伏乞俯賜採擇題

請等因到部送司案呈到部為照財用有入孔有出  
孔計其生尤當籌其節今日關門本折出孔已  
倍浮于入而又不講求其所以節有日即于匱



竭而已山海餉司主事王嘉言其于餉務最稱  
留心今雖以丁艱去猶為深謀遠慮據所聞見  
擬為五款請題舉行臣將司官另題孫如蘭往  
替外其條議五款臣等謹酌議其可行者具以  
入 告伏乞

裁奪恭候

命下行文經畧餉部并劄餉司查議施行等因天啓  
六年二月二十日具題本月二十三日奉

聖旨是欽此

計開

一曰職掌宜明餉司以餉為官則當以餉為  
職九邊事例或京運或民運或漕糧或屯  
種或召買或府佐經手之宜舉刺也或倉  
弁監收之宜稽核也莫不稟成馬山海餉  
司則異于是折色收放歸之料理不必言  
矣本色米豆草束或絲津門海運或絲薊  
永陸運收放分屬廳官餉司止司批發中  
間蹊徑百出莫可究詰在天津督餉院道



言高奏身  
不無鞭長難及之患在此中餉司實無統  
轄之權即欲查一數而不得發一奸而不  
能日靡月漸遂成固陋前任郭主事條議  
九款已詳言之至今不得舉行皆緣廳官  
之不肯奉行廳官之不聽約束以餉司無  
舉刺之權也今後當照邊卽事例管糧府  
佐須年終聽餉司舉劾轉呈督餉部院類  
題一應本色事宜皆歸綜理郭主事條議  
再為參酌次第舉行庶職掌既明勸懲亦  
易矣

前件該臣等看得山海折色錢糧出入皆繇  
餉司而本色錢糧出入皆繇府佐第報一  
數于餉司其間虛冒侵尅餉司不得過而  
問焉非不可問而統轄無權何以發奸歲  
費數百十萬糧糗騰飽無聞日報兵饑馬  
倒卽年終部院

奏繳例有舉劾終屬遙制長鞭安能及腹天啓四  
年臣部深痛本色之弊議立一司官專董



其後以清弊竇旋寢于衆論故已前條議  
雖詳廳官不聽約束不肯奉行臣請行文  
津部以後本色錢糧併責成餉司年終  
奏繳舉劾餉司查呈部院類題耳聞目見清其有  
無虛冒未有不覈實者况既已司餉本折  
俱餉何以有屬有不屬乎苟餉司徒驚綜  
覈虛名而避勞怨則責又有歸已伏候

### 聖裁

一曰屯田宜核談足國計者莫不以屯田為  
首務顧今日關外之屯為何如我職任未  
久不能得其詳細但就職見其大槩不無  
可議者職自到任見寺兒等堡屯田官徐  
登儁等月支屯丁糧銀二千餘兩以一歲  
計之約三萬餘兩此外尚有牛犂子種雖  
非餉司所給亦莫非公帑矣職查其牧獲  
之數竟不報此必有難于報者近奉本部  
劄付云關外屯糧十餘萬緣各將領向不  
報職職不得其數俟繼任者查確實數即



自去年為始將收獲糧石變賣抵償本司  
月發屯丁餉銀其屯田官計其兵丁若干  
屯過田若干收獲若干呈報本部及經畧  
部院殿最之凡將領中有能自具子種督  
率標下兵丁屯種急公者餉司呈報部院  
轉咨兵部紀錄庶有所勸懲人知鼓舞

前件諛臣等看得屯田之議章滿公車臣部  
每諄諄以屯田為首務時天津屯田議者  
以為不如關外天啓五年收獲甚稔然一

收成便當查報津部美作糧料實數又須  
移會餉司作收數乃因循支吾臣部行查  
久而不報後督餉御史稱有屯糧十餘萬  
臣部行查又不報經畧到關查出屯糧十  
萬否則終匿而不報將子虛烏有去矣良  
繇屯田者係兵丁管屯田係將領與戶部  
無與故行查漫不經心然所費屯本除牛  
犂子粒外歲不下三萬餘兩皆給自餉司  
乃屯田用兵丁若干屯過田若干收獲若



干茫無查考曾不抵正額一毫以後屯糧聽餉司稽查將收獲多寡實數呈報經畧津部分為殿最廢屯田之議不為紙上空談也伏候

聖裁

一 鹽利當收古今大利鑄山煮海寧遠覺華等處向在煮鹽寧遠管糧金通判欲以鹽舫搭放軍糧此其利不必轉營即本地亦可通融矣目今財用匱乏兵餉難支胡不責成餉司綜核于上府佐綜理于下多方區畫交相贊助計本計利以助兵餉未必無小補也

前件諛臣等看得山海為駐兵之所每歲用鹽當不下數百萬每年便可收鹽利數萬兩然不慮鹽無所出而慮其難于行若以鹽舫搭放軍糧是必人人自為饕餮又必每人每月食盡其鹽而後可恐與軍情不便而勢亦不能或者令府佐管理煮鹽照



言音考  
行鹽事例臣部印發鹽票于餉司餉司定價若干賣與商賈令其到場買販又定于關上營中貨賣不許轉賣各處以妨地方鹽政其所賣票價該餉司另收一處查實報部即于應發餉銀內扣除或亦有所小補猶俟經畧共酌之也伏候

聖裁

一領餉之官宜擇關門月餉歲以三百萬計非細事也而領責之二三投充委官夫此東西南北之人身家無據衣冠無名其人輕弁輕其所任之事劉啓光之前車可鑒也此後又可不為之深長慮乎職意莫若專用題授守備一員重其人因重其所任之事其事重則其人亦不得自輕且又從而勸懲之若效有勤勞毫無點染本官即與具呈本部轉咨兵部推擢若不肖作奸輕則罰治重則呈本部究擬果若所行孰無功名之念孰無畏法之心肯自決裂以



言言奏疏  
言三五  
碍前途職司有效勞守備黃昌期者機才  
敏捷識見老成效勞有年熟諳餉務用以  
通內外之情尤其所長即以此人充此任  
必有可觀

前件諛臣等看得關門兵餉歲以三百萬計  
問其領解何人槩付之二三委官之手至  
問委官為何人乃浪跡萍踪投托充役之  
人假以侯冠與以名色身家官守一無所  
據特因係關門差來不得不以餉銀發付

白鏹累累幾萬幾千搬載而出委重貨于  
知面之人保無他虞是以有劉啓光之故  
事此後領解官諛管衙門當慎擇其人非  
有操守不免見欲而動非有幹才不免遲  
緩悞事非有強力不能防捍外患果其積  
有勤勞毫無點染本部咨兵部擢用今餉  
司所舉加銜守備黃昌期必有灼知其可  
用者所當依允伏候

聖裁



太子太保戶部尚書臣李

等謹

題為重地旱蝗異常災黎陷危可憫懇乞

聖明亟賜勘救以培根本以消亂萌事專理新餉山東清吏司案呈天啓六年二月初八日奉本部送戶科抄出巡按直隸監察御史馬逢臯題前事等因本年正月二十二日奉

聖旨戶部知道欽此欽遵抄出到部送司案呈到部照得年來用兵措餉召買之役幾徧天下江浙南直山東以遼事買湖廣以黔事買不特北直



為然也江浙南直以水荒告山東以旱荒告亦不特北直為然也臣部終不敢開緩徵與蠲免之門者正為此項為三軍待哺之資一或緩少軍馬枵腹呼庚可慮况今奴氛正在叵測覺華等處糧料俱為寇資天津倉庾一空如洗兵馬正嗷嗷以待而復議緩與議蠲其可得乎且北直地方所邀寬政不為不多各處省直召買又無加派而北直加派免矣五年北直召買順廣大買米共十萬石真保河買豆共三十五萬石而六年召買順廣大買米共止二萬石真保河買豆共止二十一萬石又已減矣縱州縣豐歉不齊天灾流行何處幾有有司果加意撫循當有無限美意良法而廼動曰緩徵動曰蠲免獨不思此派徵米豆用之何處用之關門也倘關門兵馬月糧可以緩給臣部亦可緩徵可以少給臣部亦并可免徵即不然積有餘贏見有存貯何苦不為緩免又不然而別省已買之處可再加買以代四府又何苦不為緩免然而不能



也即令真順廣大有司自思之恐亦以為不能也按臣為地方計故為此不獲已之請臣部為揄關慮故不敢開不可開之端宜令各府州縣一意上緊徵解不可希冀蠲緩輒生觀望以貽關門封疆大患相應覆

請恭候

命下行文都察院轉行巡按直隸監察御史并咨保定撫院速將真順廣大原派天啓六年召買米豆急催買完運津毋得遲悞臣等可勝待

命之至等因天啓六年二月二十一日具題本月二十四日奉

聖旨是欽此



太子太保戶部尚書臣李  
等謹  
為觸事懷忠謹抒赤心說實話仰對

聖明以備採擇事  
談本部題專理新餉山東等清吏  
司案呈天啓六年二月十七日奉本部送戶科  
抄出工部右侍郎仍監察工程事崔呈秀題前  
事等因本月十七日奉

聖旨魏忠賢勤慎奉公清廉勵操請蠲年例彰朝廷  
節愛之仁題免宿逋救黎庶饑寒之苦一心為國  
百廢具興緝獲每著奇勲鼎建更多勞績朕心嘉



言古卷一  
百三十一  
悅特賜勅旌獎廕弟侄一人與做都督僉事賞銀三十兩紵絲二表裡羊二隻酒三十瓶新鈔三千貫仍宣付史館以昭勸勉其征倭派餉已經禁止撫按官何不回奏開稅原非不得已若果有長策堪佐時艱此項自宜停免報商一節屬民尤甚併着該部作速議覆欽此欽遵抄出到部送司查得疏內魏忠賢談史館查登史錄其免倭餉權稅報商談本部議覆案呈到部看得今天下民不堪命久矣戎馬生郊敵賦悉索實覺衽席之未能然每思為

國家開一利便當思為民間防一害否則利未必收于國而害已先及于民又經國子民者所宜念也工部右侍郎崔呈秀有感中官魏忠賢于

內府各項錢糧可罷者請罷可革者請革可減免者請減免而商財民力賴以得舒因而併釐天下之秕政為商民請命舉所當急罷者三其一曰乾沒之加派先是朝鮮之役天下加賦既而



言音考  
事寧賦亦旋罷經今三十年矣若之何猶有征  
輸者始焉因事加賦久則據為常額在污吏貪  
官欺上罔下朦朧徵收以充囊橐誰肯每年開  
陳舊額若干某年因某事加若干某年仍舊某  
年應減出示通衢俾窮鄉僻壤得以周知即知  
之亦不敢自行控告各諛省直撫按又不肯於  
此處留心一為覈查所以有三十年久加不減  
之倭餉也且相沿已久猾胥并去其籍即州縣  
視為往事因仍自便則令雖行而不蠲者尚不  
少也今再令天下撫按于各該管地方偏行禁  
告有司不許徵收仍催府州縣于征倭二厘加  
派于某年起于何年止備造冊籍申送稽查其  
有無免派據實具

奏庶多年無名之徵一朝報罷百姓稍獲休養乎  
其一曰出途之疊征譏而不征誠為王政之善  
征而復征委非盛世所宜但軍士枵腹既不能  
忍饑以荷戈民財有盡又不可吮髓而及骨故  
臣部採輿論之同謬為此議又恐利少害多特



請庶幹推官以董其事不許頑懦佐貳之流垂涎染指于征商之中寓恤商之意原非得已即

明旨亦謂開稅原非得已若果有長策堪佐時艱此項自宜停免臣部正苦無策似宜仍從輿論少濟艱匱萬一但就中斟酌盈縮報

聞則在撫按為政非臣所敢必耳其一曰報商之裁革報商為

京師大患富家巨室一經僉報賠累立破其家即牛商小節而牽纏幫費亦莫不然臣查每年用

牛不過九十餘對其數不多用價不過數百兩原有價值平價官買庶稱報商屬民

明旨行令尚膳監奏請仰候

聖明定奪凡此三者皆救時格論謀

國善經故工臣慨切言之除權稅聽撫按酌報定奪外其倭餉

嚴勅撫按禁止速行回

奏牛商即依議罷免既經題



言音奏疏  
請前來相應依議覆

請恭候

命下欽遵施行等因天啓六年二月二十六日具題  
本月二十九日奉

聖旨是內府錢糧曾經監臣魏忠賢題允罷減者已  
宣付史館昭朝廷體恤商民至意其征倭加派停  
徵已久有司曾否遵依着該撫按官嚴行禁止限  
文到三月內回奏零星小稅已經蠲免餘如議行  
欽此

太子太保戶部尚書臣李

等謹

題為軍興有需部入無額乞

勅戶部窮源勘數平心酌處事專理新餉山東清吏  
司案呈天啓六年二月十四日奉本部送准兵  
部咨談兵部題前事等因本月初八日奉

聖旨是欽此欽遵移咨到部送司案呈到部看得犒  
賞安家之屬兵部自徵倭征播時已然至奴酋  
告變復畝加派始于內分給談部銀九十四萬  
用作犒賞安家等費既而徵調停止原撥銀復



言音考  
盡歸之本部奉有

明旨已經數年於今矣頃奴圍攻寧遠雖被挫歸而  
日內又報其期于四月中仍復西向果爾則徵  
調客兵勢不容已諛部索給原餉固自有詞臣  
部加派若果有餘亦何吝于分給顧查加派額  
數僅得銀五百餘萬原止供一遼用今則川蜀  
黔滇兵費一併取足于斯所為用之遼者止三  
百餘萬耳乃關鮮二處本折與薊密永通天津  
加添新兵則共費餉五百八十餘萬以三百餘  
萬之加派供五百八十餘萬之遼餉出入數相  
懸絕臣方日夜仰屋腐心苦無從出苦莫能應  
而兵部欲于此中索取犒賞安家何異求貸于  
窶子奪食于乞丐其將能乎切思本部兵餉馬  
乾取足于加派猶兵部犒賞安家取足于罔寺  
本部之苦加派不敷亦猶兵部之苦罔寺不敷  
設身處地平心酌量其難則一不待臣詞之畢  
也伏乞

皇上于臣部出入之數一賜



勅下兵部大家體諒免此分給勿相抵駁臣等可勝待

命之至等因天啓六年二月二十九日具題三月初三

日奉

聖旨着戶兵二部各秉虛公大家體諒不得互相抵駁以悞軍需欽此

太子太保戶部尚書臣李

等謹

題為軍需設措無計謹循成例酌處以濟急需事  
專理新餉山東清吏司案呈到部該臣閱卽報  
工部一本題前事等因奉

聖旨軍需急若然眉卽照前例于加派銀內仍分二十萬兩為工部器械之用不得推諉誤事戶部知道欽此該臣等看得臣部加派遼餉卽兵工二部之二厘歸併臣部總計亦不過五百一萬而止  
關門薊密永通天津登萊毛帥本折等費則歲



言音奏疏  
共計該銀五百七十餘萬入不敷出已少七十餘萬又北直八府及湖廣

潞庄蠲免并川蜀黔滇軍興撥用五省共去銀一百四十餘萬止存三百六十餘萬以三百六十餘萬之入供五百七十餘萬之出缺額計該二百一十二萬臣方苦無點金之術日夜焦腸今若再撥兵工二部二厘則臣部止存二百三十萬以五百七十餘萬之出取諸二百三十萬之入計且少銀三百四十餘萬臣又何以餉關軍而應其按月宣索耶目今黔蜀備沅滇南以省之分給為少時復交章力請增餉百萬臣又何以應其求耶工部知該部苦不知臣部更苦至力索奉

旨久歸臣部之二十萬勢本難從第奉

嚴旨不敢重違今早朝罷面與閣部諸臣互相酌議計無所出惟有將關門三月餉銀姑且遲發內那十萬以付該部俟外解到日補發關軍倘外解一時不到軍或呼庚鼓譟非臣之罪勿謂臣



言音考別  
今日不言也此外即欲再索分毫臣有以死待  
命耳伏乞

皇上憐諛部之苦亦憐臣部之苦  
鑒諛部為封疆臣部亦為封疆

勅下諛部將臣部那餉十萬差官允領其十萬兩令  
工部自行奏辦臣等可勝激切待

命之至等因天啓六年三月初五日具題本年本月  
初八日奉

聖旨覽奏知卿那餉十萬急濟軍需具見急公苦心  
還着再發四萬令工部自處六萬以足二十萬之  
數不得更有託陳欽此



太子太保戶部尚書臣李

等謹

題為南糧已抵天津凍糧又過務關各守原額兩  
俱稱便更祈

聖斷免截以省多費事專理新餉山東清吏司案呈  
天啓六年二月二十九日奉本部送戶科抄出  
總督倉場戶部左侍郎薛貞題前事等因本年  
二月二十五日奉

聖旨戶部知道欽此欽遵抄出到部送司案呈到部  
照得帶運原為遼設以南糧抵帶運則倉場權



變之計也繼而東事告急南糧不來津部議留  
凍糧而以南糧進還京倉則又津部權變之計  
也已經臣部覆

准去後今倉場督臣謂截留漕糧原因南糧未到今  
南糧已至天津曷若各守原派南糧仍歸天津  
凍糧仍歸京通之為兩得臣又接津部餉臣手  
書云各府州縣召買糧米旬日內陸續至者亦  
多兼之先到南糧聊可濟運今惟遵督部前咨  
囤糧十五萬亦不必截等語臣以倉場之疏津  
部之書合而觀之南糧已至關運凍糧誠不必  
截仍令凍糧歸京南糧留津既免往返之勞且  
省腳價之費相應覆

請恭候

命下行文津部倉場欽遵施行等因天啓六年三  
月初七日具題本月初十日奉

聖旨是欽此



太子太保戶部尚書臣李

等謹

題為請

帑發

帑奉有

明繪製器造器仰遵

嚴旨謹將前任督臣與協巡諸臣題

准誓師犒軍折馬製器用過銀數具實開列懇祈

聖鑒事專理新餉山東清吏司案呈天啓六年三月

初五日奉本部送戶科抄出太子太保兵部尚



言部奏疏  
書王永光題前事等因本月初一日奉

聖旨是着戶部查照樞輔原題將關門應扣錢糧如數兌發工部置造以應軍需欽此又准工部咨同前事俱到部送司案呈到部該臣等看得王恭廠軍器

帑銀五萬二千五百兩借之者閣部孫承宗動以與之者協臣朱光祚且為關門折馬之需與臣部兵餉毫不相干並不與聞今欲索還須照閣部原題取還即閣部已去須照收支

奏繳原銀作何支用應于何部取還不得徑坐臣部也今兵部疑閣部在關時有扣存錢糧請行臣部兌發工部臣試舉樞輔原題關門應扣錢糧言之先是閣部到關時臣部月發餉銀十七萬至天啓五年四月間遂要餉銀二十八萬八千較前增至將半時在

朝諸臣咸以為訝交相請汰兵馬以圖可繼閣部因有簡汰官兵之疏名稱雖省銀五十四萬乃每月尚須發銀二十三萬較往年十七萬還多六



萬其實未之有省月發餉數具在可查即使果有扣省亦臣部之錢糧與閣部無與乃為閣部還借貸乎借不關臣部與不關臣部即兵部亦知與臣部無干而曰欲責償關門恐屬畫餅又曰或准關門銷筭是明言其當索諸關門第以樞輔已去故曲轉一語遂云或令戶部查照樞輔原題將關門應扣錢糧如數允發今查原未有扣憑何責臣部允發伏乞

皇上勅下兵部自行斟酌曲處不宜明知無干臣部故推臣部也相應覆

請恭候

命下臣部行文兵部欽遵施行等因天啓六年三月

初十日具題本月十三日奉

聖旨着遵前旨行欽此



太子太保戶部尚書臣李

等謹

題為欽奉

明旨事專理新餉山東清吏司案呈天啓六年三月初二日奉本部送戶科抄出巡按直隸監察御史洪如鍾題前事內稱自有遼事以來其為餉遼計者蓋纖悉靡遺矣而日苦不足在主計者亦不妨備悉查挾之如遼東舊餉若干各省直加派遼餉若干新增鹽引蘆課鈔關等項若干以至某處應動遼餉某處不應動遼餉但係遼







潞庄蠲免銀五十二萬川黔分去八十餘萬登萊  
新兵留用五萬每年拖欠數十萬計入不過三  
百餘萬塩課蘆課兩淮與工部留用借去銀四  
萬七千餘兩併解不及額計入不過二十餘萬  
總計銀止三百八十餘萬至于出數則關門本  
折薊密永通天津登萊毛帥等餉共用銀五百  
八十餘萬以三百八十餘萬之入供五百八十  
餘萬之出內計缺額近二百萬前此急緊不請  
之內帑則借之罔寺今內帑空矣罔寺匱  
矣無復可請可借矣臣欲不日切仰屋其將能  
乎至于近日寧遠犒賞兵工二部交索又出意  
外為四年以來之所未有苦無可應臣欲不益  
切仰屋又將能乎關臣謂但係遠餉名色一一  
查出倘所派之少不足以應所支之多自當別  
議不容司農有仰屋之嗟不容閫外有枵腹之  
怨大家商量無相爭執旨哉斯言其為關慮也  
遠而為臣計也切臣甚感之臣仰屋極矣其當  
別議其當大家商量又矣別議商量勢必仍復



北直加派與撤回兩淮工部借留蘆鹽二課及  
另增川黔兵餉而後可顧此三者存

廟堂主持非臣所敢任也及此時不為長計臣身不  
足惜其如目前關門軍餉斷絕致悞封疆何伏  
乞

勅下九卿科道會集別議大家商量如關臣所云議  
定商定容臣彙疏奏

請仰候

聖明定奪并

勅關門道鎮照依關臣疏稱限定名數各官占役不  
許過多另造一冊無使混淆毋得虛應故事臣  
等不勝激切待

命之至等因天啓六年三月十一日具題本月十四  
日奉

聖旨着九卿科道會議的確具奏欽此



太子太保戶部尚書臣李

等謹

題為五年關運事竣謹遵例

奏報并敘餉運効勞官員以昭激勸事專理新餉  
山東清吏司案呈天啓六年正月初十日奉本  
部送戶科抄出督理遼東糧餉兼巡撫天津等  
處地方備兵防海贊理征東軍務戶部右侍郎  
兼都察院右僉都御史黃運恭題前事等因天  
啓五年十二月二十八日奉

聖旨萬國爭前有旨不准陞遷着冠帶閑住關運効



勞各官准分別紀錄優敘該部知道欽此欽遵抄  
出到部送司案呈到部案查天啓五年關運米  
豆臣部於本年六月題為關運糧料價增額縮  
疏內筭定實在米八十六萬三百四十石零豆  
六十五萬六千三百六十六石零又於本年十  
月題為預計天啓六年關運糧料實數疏內按  
樞輔汰定實額五年該支米六十五萬二千九  
百四十九石豆六十五萬五千三百六十五石  
在案今據

奏報發過米麥六十八萬二千一十五石又茅元  
儀兵支過七千石浙江米折并津門搜括作米  
十萬石關門買米二千八百七十八石發過豆  
藟四十八萬五千二百六十二石又薊永自運  
十萬石屯撫高糧一萬八千石關門買豆一萬  
九千八百七十八石催發過天啓四年守凍米  
麥九百三十七石豆藟二萬三千四百五十八  
石俱當准其銷筭夫較以歲支之數所運踰額  
已多較以實在之數所運尚有未盡總之除五



言吉考蹟  
二百四十六  
年正支之外已運未運俱當照原題扣為六年  
之用者也至於守凍米豆之應催失風糧料板  
片水脚之應造船隻之應朋造有原題之成例  
在焉其料理預而督發以時轉運多而失風更  
少督部黃運恭之功固不在鄼侯下矣其同事  
文武諸臣已經奉有

明旨除萬國孚冠帶閑任外天津糧儲贊理遼餉戶  
部河南司郎中王若之原任山海管餉戶部福  
建司員外郎唐登儁原任山海管餉戶部江西

司主事王嘉言專理遼餉兼管淮糧兵備山東  
按察使王元雅原任寧前兵備道山東右叅政  
袁崇煥原任關內兵備道山東副使劉詔天津  
管糧河間府同知張懋德管理山海海運永平  
府同知王應豫前屯管糧永平府同知毛宗長  
寧前管糧永平府同知程維祺錦右管糧永平  
府通判金啓侗聽吏部分別紀錄優敘海運遊  
擊張性徵守備謝兆禎運官葉汝元李維城丁  
啓陽王文達陳用賢金文學吳應詔宋臣明蔣



恩祐陳應武聽兵部分別紀錄優敘臣不敢贅  
也既經題

請前來相應查覆恭候

命下欽遵施行等因天啓六年三月十三日具題本  
月十六日奉

聖旨是欽此

太子太保戶部尚書臣李

等謹

題為因塘報以修戰備事專理新餉山東清吏司  
案呈天啓六年三月初三日奉本部送戶科抄  
出經畧遼東薊鎮天津登萊等處軍務兵部尚  
書兼都察院右副都御史高第題前事內稱一  
關外蓄積俱經焚燒今止存寧遠城內糧料數  
萬與前屯中後中右中前各有屯糧共數萬然  
支數月即盡矣急催海運接濟米固急料尤急  
前件臣已移咨督餉部臣速催運發外一賊來



言言  
言五二  
恐將城圍合城中蓄積不多宜預備兩月錢糧  
透給與各兵丁令其得以應用預置魚菜酒麩  
食物城中蓄聚之多自然力動此係兵丁應得  
之銀特蚤給之於官無損而於兵大益也前件  
臣思將本年餉銀令戶部早發二箇月以便預  
給等因本年二月三十日奉

聖旨據回鄉屢報奴賊造車修器意圖再逞關外防  
禦事宜比前倍當妥飭這條議各款速與覆行火  
藥器械等物即時給發毋悞急需以遼人守遼土

誠為善策宜盡發出關袁崇煥應否加遼東巡撫  
職銜着該部酌議妥當具奏欽此又該巡按直隸  
監察御史洪如鐘題為逆奴雖退內備當嚴謹  
摘目前積弊條為善後事宜以固守嚴關事內  
稱一曰足餉賈誼有言曰粟多而財有餘以戰  
則勝以守則固餉饋固軍之急需也今新餉亦  
至厚矣而日若不給安望粟支幾年豈專在發  
不及期哉散餉者為侵派之百端領餉者供嫖  
賭之一擲更有掛名串糧隱冒等弊江河信不



足以實漏卮矣日者寧遠有警市販不前若曠日持久何所仰給說者謂費帑開屯牧獲穰穰可以畧省海運貯之關門而處置失宜竟爾齎盜如右屯米豆之積十有三萬乃撤兵於內委糧於外徒以饜奴之欲不亦深可惜哉周守廉焚糧之說謾語也要在塞耗餉之孔而餉可足也等因本年二月三十日奉

聖旨疏內繕城利器足餉練兵秣馬款虜而總歸之任將皆守關急着但從來鴈官鴈餉趨關門如鷺曾未有真心任事者今宜大破情面盡洗肺腸于數款着實舉行力反前人積弊庶足制勝于萬全諛部知道欽此又諛兵部題為因塘報以修戰備事等因三月初五日奉

聖旨是素崇煥准以都察院右僉都御史巡撫遼東山海等處地方提督軍務寫勅與他寧前道員缺着吏部作速題補所請糧料器械等項着戶工兩部火速催發關內道劉詔加陞左布政職銜照舊管事諛部知道欽此欽遵通抄到部送司案呈到



部談臣等者得寧遠一城屹然為山海保障故  
條上方畧率以固守寧遠為今日第一義其一  
切秣馬厲兵繕甲儲粟皆有備無患期於收萬  
全而遏天驕以釋

聖天子東顧之憂臣等竈

國計者也在戶言戶如經畧所請寧遠城內多積  
糧料預備兩月餉銀透給兵丁巡關御史足餉  
一欸亦言餉饋固急新餉亦厚而耗餉等弊不  
可不塞臣惟寧遠孤城去關門二百餘里四面

受敵奴酋是以有環圍坐困狡謀倘果賊薄城  
下糧道不通曠日遲久城內何支合行天津部  
院速催糧米起運并催薊水草豆作速到關相  
機轉發寧遠存貯備用餉銀臣部入不敷出至  
二百餘萬亦將誰訴外解有到即為給發聽關  
門先儘寧遠或先給一二月於兵丁為預置食  
用之費此臣日夜焦苦欲炊無米者耳然海運  
之催固急矣而已前積貯關外者各衛屯糧不  
知幾十萬臣昨歲屢次具疏請少貯於外恐資



言部奏駁  
盜糧頃果有覺華之失周守廉焚糧之說倘蚤  
歸聚寧遠何至為賊焚掠今若不速為處置仍  
前浮寄各處非計也月餉預支宜矣倘軍士得  
之仍供嫖賭將領因之仍供漁獵至遇難應用  
時仍歸烏有即預給兩月不成實用况掛名串  
糧隱冒等弊不革日以江河實漏卮臣部有限  
之餉焉能供無窮耗蠹清虛冒以塞耗孔臣部  
所深望于司兵者既經題

請前來相應覆

請恭候

命下臣部一面咨天津部院速運糧料一面劄新餉  
銀庫速發餉銀以聽寧遠調度施行等因天啓  
六年三月十四日具題本月十八日奉

聖旨是欽此



聖旨欽此

太子太保戶部尚書臣李

等謹

題為奴酋尚懷再逞之謀臣子當為及時之計懇

乞

聖明嚴勅中外臣工速應邊臣之急以固疆圉以保

宗社事專理新餉山東清吏司案呈天啓六年三月

十二日奉本部送戶科抄出吏科給事中黃承

吳題前事等因三月初九日奉

聖旨寧遠所需軍糧火藥器械油布等物已發到者

俱當一一回奏其餘着該部議覆欽此又該經畧

新詢司

行



高第題為塘報事奉

聖旨據報奴酋打造舟車意圖再逞即當水陸周防  
前奉有覺華島水兵船隻作速調補脩造之旨及  
寧遠急需等物解發者不時回奏都不見題覆奴  
急我緩防禦謂何今着内外文武諸臣急脩戰守  
實事凡繕城製器積草運糧補兵派守時刻戒嚴  
常如臨陣對敵務策萬全并經畧速議應否仍設  
以便責成諛部知道欽此欽遵俱到部送司案呈  
到部看得逆酋復圖狂逞中外震驚凡為

王臣慮無不卧薪嘗膽滅此朝食臣部錢糧匱乏  
措餉艱難日與司官左右拮据夙夜籌畫已無  
不殫之心不嘔之血相視吁嗟方嘆巧炊嫠恤  
未如之何而兵工二部乃日向臣部索取久歸  
併之加派勢必令遼餉盡絕而後已臣與司官  
恨不到骨以報

皇上而顧有不一心併力以急寧遠之急者哉前經  
畧因塘報以脩戰備一疏臣部覆行天津部院  
速催糧米起運并催薊永草豆作速到關其臣



部月餉于太倉老庫存貯銀內除題發工部四萬外原借三萬以給寧遠今時勢急迫

明旨森嚴合以老庫尚存一萬兩盡借共四萬兩給發委官運去總聽關門酌運寧遠透給軍士今據前疏合再行津關二處司餉領運諸臣即照原題將每月起運解發與出關到寧遠日期一  
一明白具

奏以紓

皇上東顧之憂既經題

請前來相應議覆恭候

命下欽遵施行等因天啓六年三月十五日具題本

月十八日奉

聖旨是欽此



太子太保戶部尚書臣李

等謹

題為五年鮮運事竣謹遵例

奏報并敘在事効勞官員以彰激勸事專理新餉  
山東清吏司案呈天啓六年正月初十日奉本  
部送戶科抄出督理遼東糧餉兼巡撫天津等  
處地方備兵防海贊理征東軍務戶部右侍郎  
兼都察院右僉都御史黃運泰題前事等因天  
啓五年十二月二十八日奉

聖旨萬國亨已有旨了鮮運効勞各官准分別紀錄



優敘該部知道欽此欽遵抄出到部送司查得疏  
內有條兵工二部事聽該部查覆外其本部錢  
糧相應查覆案呈到部照得天啓五年該鮮運  
米二十萬石布二萬疋本年坐定天津於漕糧  
截運十萬石又於登萊青新餉買運十萬石共  
足二十萬之數其在登買運者聽登撫取有實  
收另行查筭在津截運者今據部院

奏報運過米九萬九千五百八十八石小米二百  
五十石屯米一百六十二石又正糧外關運颶  
登改作鮮運豆萬二千二百七十石葦席一萬  
九千九百二十領布二萬疋俱於本年四五月  
開洋訖雖毛帥實收少船六隻少糧料四千四  
百九十五石少布一千一百疋少葦席九百三  
十二領部院既查係人船俱沒應准一體開銷  
夫以津鮮之遠轉運之艱而盡瘁拮据得登彼  
岸督臣黃運泰之功尚矣而贊理遠餉郎中王  
若之專理遠餉兵備王元雅管糧同知張懋德  
俱有協贊之勞委多左右之勩當導



旨一體紀錄優敘者也既經題  
請前來相應查覈具覆恭候

命下欽遵施行等因天啓六年三月二十日具題奉  
月二十三日奉

聖旨是欽此

太子太保戶部尚書臣李

等謹

題為遼餉之額漸虧人情之玩已極謹不揣妄陳  
仰祈

聖鑒以飭餉務事專理新餉山東清吏司案呈天啓  
六年三月十八日奉本部送戶科抄出督餉省  
直巡按監察御史劉述祖題前事等因本月十  
四日奉

聖旨着戶部詳議具覆欽此欽遵抄出到部送司案  
呈到部看得遼餉至今日而缺額已甚即額解



之餉尚多逋欠總緣各省直有司竭蹶急公者固多而因循玩愒者亦不少以故催徵無法起解不時積漸以來所欠共不下百數十萬臣部雖飛檄嚴催尤賴餉臣以繡斧之權提掇振刷其間始法令行而人知警勸庶幾完一分得一分之濟早一日敷一日之用臣部得借手以無悞封疆今督餉御史受事方新深於餉務注意謂有弊則餉始虧法立則餉可足議為六款皆釐奸剔蠹要圖有裨餉務殆非淺鮮臣謹逐款

具覆通行申飭恭候

命下欽遵施行等因天啓六年三月二十三日具題  
本月二十六日奉

聖旨是依議行欽此

計開

一掛欠追比宜嚴

前件者得掛欠之繇其來有二有出於不肖司府尅扣過多兌頭輕少者有奸貪解官中途開鞘傾銷改換者然部中難



言言考  
悉其隱止可按批取盈雖解官以起身  
短少為辭而題叅提問法自不貸及下  
法司而時日不知其幾閱即一追再追  
巧幻支吾賠補不了終成烏有元爾顯  
輩其明鑒也餉臣謂不必問罪止行嚴  
比變產賠償仍行枷號使此輩捐身家  
性命以徇之庶幾火烈而人畏誠速完  
掛欠之一法所當依議者也

一解餉照單宜立

前件看得解銀有文所以報解數於本部  
也解銀有批所以迴收數於司府也然  
而隄防侵欺之法不盡在此臣常謂山  
西河南福建廣東解銀到部其法盡備  
或每錠用綿竹紙封固印蓋者或銀鞘  
外另封二錠兌準一百兩作法馬者而  
又有照單明載分兩錠數聽司庫備查  
者弊無所容足色足數早納早完且有  
附餘百十不等豈諛省之法馬獨準獨



重解官獨奉公守法哉良繇司府官發  
解如數重封固局明開詳載自然解官  
無所肆其侵漁耳今各省直解銀俱要  
立一照單如山西河南等樣非惟防解  
官之侵欺且以昭司府之公道所當依  
議者也

一北直召買宜定

前件看得北直各府召買米豆原議動支  
各該地方襍項其不足者稍借京邊買  
完開銷到部新庫將新餉如數兌還舊  
庫以抵京邊非槩令動支京邊也天啓  
五年酌議派徵遼豆本色一疏開示明  
白可考地方府縣因襍項有催科之艱  
京邊覺動支之便遂借口那移東西轉  
易以致錢糧反不清楚若保定府初派  
委有虛懸及改定之後已有實額前該  
府以那借七千為言臣部已行文准予  
襍項補還矣今後派買本色即宜於襍



言音考  
項額數之外欠糶本若干應動京邊若干扣定數目不許多動則錢糧便易清楚此發買宜定所當依議者也

一助餉紀錄當議

前件看得師老財匱民力與

國帑俱窮所賴大小臣工大家生植大家節省以足國用故本部於各官損貲助餉者有紀錄搜括抵派者有紀錄節省虛糜浮羨原額者有紀錄無非鼓其作事之忠原未嘗勸也所稱淮安關主事虞大復清介絕塵清冒免以充餉巢縣署印同知張邦政不加火耗積羨餘以助餉真不虧商不損民而上有益於

國課即當紀錄以示風勵其許墅一關五年遠餉已有解到四年反無分文未知何說合行查催俟諒關文回曾否起解另議定奪以明激勸所當依議者也

一地方護餉宜嚴



前件者得省直起解錢糧到京所有經繇  
地方一遇報到輒當多撥民壯鄉兵沿  
途護送倘有漫不經心以致踈虞地方  
賠補往例昭然今揄關告急需餉甚殷  
無論劫奪之患勢所當防即飛輓之至  
時亦難後乃一月之間而報劫者五至  
可異也吳雲鵬於護城劫王夢龍於定  
興劫劉時貞於河間劫趙如桂於德化  
劫賀有徵于常山劫若亡羊不補後將  
何窮軍餉錢糧徒為藉寇贖盜而已督  
餉御史謂立一長單令解官到一處地  
方即令該地方官自填某日某時到又  
填某日某時撥兵若干護送啓行訖如  
有稽遲失事以便查實議賠叅處此護  
餉之嚴所當依議者也

一省直解官宜擇

前件者得解餉員役非候缺衛幕即州縣  
佐領異途者多正途者少不肖者多賢



能者少故有開鞘剪邊私自傾銷成色  
低假分兩短少及通同攬棍作弊等事  
今後司府差委解官務選廉能不得濫  
差貪墨如果錢糧解到足色足數限期  
不違照例優獎紀錄如有低假短少先  
令該解賠償稽遲違限即將該解責懲  
仍以起解輕微委任非人之罪并議該  
司府庶互相戒嚴而錢糧不至蠹耗矣  
此解官之選所當依議者也

太子太保戶部尚書臣李

等謹

題為清查南糧逾額轉抵鮮運甚便懇乞

聖明速勅以定遵守事專理新餉山東清吏司案呈  
天啓六年三月二十五日奉本部送戶科抄出  
總督倉場戶部左侍郎薛貞題前事等因本月  
二十四日奉

聖旨應抵應截即着該部查議行欽此欽遵抄出到  
部送司案呈到部者得天津每年收漕船帶運  
米三十萬石以給山海截留漕糧十萬石以給



毛帥共米四十萬石今查南糧解津計該三十  
八萬五千六百餘石除抵還帶運三十萬石外  
計餘米八萬五千有奇即應抵給毛帥于凍糧內  
截留一萬四千三百九十二石補足十萬之額  
臣草疏已畢該督臣移扎於臣謂蘇州府吳江  
等縣續帶遠船共計米一萬二千一百三十六  
石七斗五升尚在凍糧之後所應先截此外猶  
不足者聽再截凍糧二千二百五十五石二斗  
五升應給毛帥十萬數自清楚據此相應依議

覆

請恭候

命下臣部行文倉場津部欽遵施行等因天啓六年

三月二十五日具題本月二十九日奉

聖旨是欽此



太子太保戶部尚書臣李

等謹

題為塘報近真隄備宜急不宜緩乞

勅當事諸臣作速料理以戒不虞以保全勝事專理  
新餉山東清吏司察呈天啓六年三月十九日  
奉本部送戶科抄出兵科署科事右給事中薛  
國觀題前事內稱即諛部錢糧不敷亦當明白  
奏

請作何權宜作何曲處早圖濟用等因三月十六日  
奉



聖旨奴報緊急着該部作速議覆欽此欽遵抄出到部送司案呈到部該臣等看得逆奴再思入寇其勢必衆其計必狡其志必堅其攻必力我軍之預為蓄聚以備戰守者當厚以故經畧高第及撫臣袁崇煥各疏具

請預給寧遠糧餉使軍士養銳以待隨具疏覆

請一面行文天津部院速運糧料到關一面因新庫無銀題那老庫積存四萬即于本月十九日允發委官孫繩武立刻起身解赴寧遠以預給軍餉去訖此臣于錢糧不敷之時權宜曲處竭盡心力而為之者倘寧遠兵數尚多四萬之餉不足預給兩月之用俟外解一到即為補給既經科臣題

請奉

旨議覆臣謹將借銀并起運委官日期理合具本題

知等因天啓六年三月二十九日具題四月初三日

奉



聖旨是知道了欽此

太子太保戶部尚書臣李

等謹

題為運關米豆騰貴價值不敷懇祈

聖明亟勅部臣俯酌時估再議加添以祛賠累以甦  
災疲事專理新餉山東清吏司案呈天啓六年  
四月初二日奉本部送戶科抄出巡撫保定等  
府提督紫荊等關兼理海防軍務都察院右僉  
都御史郭尚友會同直隸巡按監察御史馬逢  
臯題前事等因天啓六年三月二十五日奉

聖旨戶部知道欽此欽遵抄出到部送司案呈到部



言音考  
為照天啓六年關門應用米豆與夫派買地方  
并買價運價數目俱經臣部于去年十一月內  
題覆天津餉臣黃運泰預計天啓六年糧料疏  
內再三酌議妥確臚列覆 請業奉

欽依行文餉部轉行各該道府欽遵在卷今保定撫  
臣以北直六府去年旱蝗為災米豆價值騰貴  
疏

請增價據稱六府召買米豆俱照斛斗定價豆每石  
時值銀七錢五分六厘米每石時值銀一兩二  
錢歆臣部照此議增及臣備查北直召買初議  
米價七錢後增二錢豆價五錢運價俱在其內  
去年餉部因

畿南各府旱災米價連運議一兩豆價連運議六  
錢五分臣部以為遞增至此似覺太多酌量米  
豆每石各再增五分亦云足矣今各府猶以為  
縮于時值而請乞不已殊不念北直加派既蠲  
徼惠已多今年派買米豆較諸上歲俱已遞減  
價值亦已增添而猶言不足嗟嗟當此遠患孔



棘之時普天臣民莫不竭蹶應命江南吳越之地加派既無減免而又有帶買遠米即年亦荒歉曾不少假而山東東兗二府既有加派又有召買亦曾未乞免以彼較此北直豈非過為無已之求乎然臣部錢糧充裕亦可勉從其請今值遠餉缺額二百餘萬政在仰屋無計之時將何以應其求耶但關門緊急恐以駁查之故致悞軍需再四思維萬不得已合無照天津餉部原議米價連運脚一兩豆價連運脚六錢五分

准令各府作速糴買運津轉運關門庶不耽延時日今臣逐府查美順廣大三府買米二萬石照餉部原議每石一兩共諛銀二萬兩除原定價銀外再加銀一千兩真定買豆八萬石照餉部原議每石六錢五分共諛銀五萬二千兩除原定價銀外再加銀八千兩保定買豆七萬石共諛銀四萬五千五百兩除原定價銀外再加銀七千兩河間買豆六萬石共諛豆價銀三萬九千兩除原定價銀外再加銀六千兩及查臣



部原題北直各府召買米豆價銀俱儘用襍項  
襍項不敷那動京邊俟買完之日報部以應發  
新餉補償舊庫開銷前件在案今各府所加之  
銀是應併動京邊仍造冊報部以便逐款銷筭  
者也至於保定府襍項之銀原經臣部按籍坐  
派今派而不認稱為懸坐其銀七千五百二十  
二兩零前據該府苦詞申請臣部不得已准其  
開豁矣總之北直撫按二臣念在災黎不得不  
為地方計冀加一分受一分之惠臣部念在危  
關不得不為匱乏慮恐增一分損一分之額斟  
酌于兩難之際共計復有二萬二千兩之加臣  
部之苦更不可言然以歲歉而增自當歲豐而  
減倘執增者以為常而年年不減稍有不稔又  
於增外求增則召買一事不啻尾閘之洩江河  
矣既經具題前來相應覆

請恭候

命下臣部行文保定撫按并督餉部院欽遵施行等  
因天啓六年四月初七日具題本月初十日奉



聖旨是欽此

太子太保戶部尚書臣李

等謹

題為總括軍需收支大數仰塵

睿覽事專理新餉山東清吏司案呈天啓五年十一月十六日奉本部送戶科抄出少師兼太子太師兵部尚書建極殿大學士督理軍務孫承宗題前事等因十一月十一日奉

聖旨覽卿奏已見支收大數還着該部將任內錢糧數目發去若干用過若干逐一磨對的確具奏欽此欽遵抄出到部送司查得疏稱收過銀一百



七十一萬三千二百一十七兩零支過銀一百  
三十五萬八千五百七兩零見在及借支等銀  
三十五萬四千七百九兩零其係兵工者聽諛  
部磨對係本部者相應查實具

奏其在關支放者應聽關門磨對的確造冊

奏報案呈到部為照閣部孫承宗視師山海所用  
錢糧皆出本折月餉之外收支雖有如許之多  
而經費出納皆閣部為政內部多不盡悉今據  
奏報查其梗槩止有戶部協辦一項從臣部中解

出其數目可以磨對臣查原案一次天啓四年

七月初二日差主事郭竹徵解七萬八月二十

二日差主事陳大對解五萬中書牛瀟解五萬

二十八日差中書穆如贊解四萬此臣部發去

之數磨對無異者也又有借支一項天啓三年

郭竹徵借閣部銀三十萬零除陸續還過外尚

欠七萬五千此臣部借支之數其餘疏稱借支

應餉司扣還者甚多或山海自有理會不在臣

部借支之內至于用過數目雖似有為內部用



言音奏疏  
者其實不曾減月餉毫末且無文冊到部何憑  
磨對在關門司道將領支過閣部錢糧者自有  
細冊可考應行關門查覈造冊

奏報相應覆

請恭候

命下除臣部發過錢糧磨對的確外其用過錢糧仍  
勅督師衙門轉行司道將領查實具

奏施行等因天啓六年四月初十日具題十三日奉  
聖旨是欽此

太子太保戶部尚書臣李

等謹

題為奴酋再逞可虞

國計萬難無措謹疑權宜節省三策以備

聖明采擇事專理新餉山東清吏司案呈天啓六年  
四月初六日奉本部送戶科抄出督理京省錢  
法戶部右侍郎靳 題前事於天啓六年三  
月二十四日奉

聖旨賓興所省幾何增額反滋多費其餘酌議行該  
部知道欽此欽遵抄出到部送司案呈到部除大



吏節省一欸係吏部職掌應聽吏部具覆外其  
節省一欸責成三大差司官查臣部三大差為  
糧儲為權關為內外各倉今天下財賦入孔與  
出孔其織鉅不敵也出孔與溢出之孔其虛實  
又不敵也以故臣部入不敷出帑藏時時如洗  
邊軍在在枵腹徒仰屋竊嘆而無如之何夫匹  
夫之家什伯之產其銖兩升合分合出納猶有  
羨贏豈有糧儲權關各倉職司錢糧動以鉅萬  
計而斗衡之分合存積之出納毫無餘剩者乎  
但患諸臣心不切乎

公家計不用于節省非縱之以保狐鼠則私之以  
充囊橐一錙一銖孰非軍民之命脉也者而屑  
越至此臣同官蒿目矢心因見條議良有激乎  
其言之也此後三差司官差滿赴部之時臣分  
為三等考覈除僅及數照舊復職外其糧儲管  
倉果能廉幹樽餘萬以上計者考上移咨吏部  
優遷千以上計者考中移咨吏部紀錄如虧欠  
原額者考下移咨吏部降調其各鈔關亦以新



增完欠分為三等如增額全完者照例優遷止  
完五分者照例紀錄全未完解者照例降調蓋  
念軍民之困苦有意剝削以博名固非也當庫  
藏之空虛無能節蓄以裨

國亦非也積少可以為多潔身何恤物議將伯誰  
助聊雅望于同舟情面難徇只秉公于

令甲庶內外相懲相勸公私日裕日充其于

國計軍儲未必無小補矣既經臣同官斬  
議前來相應覆  
條

請恭候

命下臣部欽遵施行等因天啓六年四月十一日具

題本月十四日奉

聖旨是欽此



太子太保戶部尚書臣李

等謹

題為鮮糧久奉

特旨南糧未全抵津謹據事直陳仰祈

聖鑒以濟海運以守

舊章事專理新餉山東清吏司案呈天啓六年四月

初九日奉本部送戶科抄出督理遼東糧餉兼

巡撫天津等處地方備兵防海贊理征東軍務

戶部右侍郎兼都察院右僉都御史黃運恭題

前事等因本年四月初四日奉



聖旨這帶運三十萬鮮糧十萬俱如議行不必再有  
爭執該部知道欽此又該總督倉場戶部左侍郎  
薛貞題為南糧既已有餘鮮糧不應再截懇乞  
聖明勅部查明以清漕儲以定成規事四月初六日  
奉

聖旨已有旨了該部知道欽此欽遵通抄到部送司  
案呈到部該臣看得帶運截漕一事屢疏煩請  
至今者起于南糧漕糧到有遲早其中抵筭數  
目未即兜底清楚故二臣之疏皆非無說而處

此查天啓五年天津原該留帶運三十萬截漕  
十萬二項共四十萬以南糧抵帶運則亦三十  
萬已耳乃南糧有三十八萬五千六百八石除  
抵帶運三十萬外尚多八萬五千六百八石又  
查帶運三十萬內浙江災折六萬三千石以銀  
折米已解津運關則止該帶運二十三萬七千  
止宜抵以南糧二十三萬七千此外南糧共餘  
十四萬八千六百八石督部謂即以十萬作截  
漕尚餘四萬八千六百八石則漕糧必不可截



總括而算有津門之四十萬而止津部謂南糧  
見到者僅二十四萬春運不敷開洋期迫漕糧  
見在不得不截以應海運之急但足四十萬之  
數而後到南糧聽其歸之京倉據此兩者而論  
天津雖不留漕糧也可而鮮運愆期勢不能待  
已截者又不便于復返其餘南糧解還京倉也  
亦可然耗脚無出何以轉運計惟有以三十八  
萬五千六百八石南糧并已截漕糧盡聽天津  
留用除已前有改折六萬三千再合以三十三  
萬七千共四十萬作為五年應留之數其餘十  
四萬八千六百八石內以十萬作六年應截漕  
糧之數以四萬八千六百八石并作六年應留  
帶運之數俟六年糧到少截十四萬八千六百  
八石庶乎事得兩全而葛藤盡斷矣相應覆

請恭候

命下臣部行文倉場津部欽遵施行等因天啓六年

四月十五日具題本月十八日

聖旨是欽此



太子太保戶部尚書臣李

等謹

題為恭報選兵足數以備撥遣以紓

聖懷事專理新餉山東清吏司案呈天啓六年四月初二日奉本部送戶科抄出巡撫河南等處地方提督軍務都察院右僉都御史亓詩教題前事等因本年三月二十七日奉

聖旨該部知道欽此欽遵抄出到部送司案呈到部該臣等看得河北一軍起于天啓二年廣寧失陷兵部咨行河南巡撫募兵入援時設有毛兵



鋒兵勇兵及調集各府民壯共一萬有餘駐劄  
磁州操練留臣部襍項十一萬有奇以養此兵  
天啓三年臣部議裁此項兵餉舊撫臣程紹以  
回賊竊發妖黨未盡固爭留八千以為地方防  
禦每歲尚用餉七萬有奇今妖賊久平地方寧  
謐此兵養有年徒為河上逍遙故臣部謂可  
盡銷歸農即不然亦當漸次減汰非無見而云  
然也頃寧遠之役兵部檄行預練毛兵二千以  
備調取正當于此內挑其精銳二千整棚以待  
而談撫乃于見在毛兵一千外復募一千欲復  
添一千毛兵之餉豈平日所稱八千者箇箇皆  
實無可減之餉以餉新募之毛兵故添一兵必  
再增一兵之餉耶臣部近日會議裁冗兵一款  
方云應撤者撤應裁者裁應減者減將原留餉  
銀解充遠用新奉

欽依臣縱不敢謂中州八千之兵為盡可裁然于其  
中減汰一千以為新募毛兵之額即以所減汰  
之餉為新募毛兵之餉無不可者談撫疏云如



戶部以毛兵之餉為必不能供則罷募當屬之  
兵部臣謂毛兵之餉取之減汰而有餘募雖不  
必罷餉亦不須增也既經具題前來相應覆  
請恭候

命下臣部行文河南撫臣遵奉施行等因天啓六年  
四月十四日具題本月十八日奉

聖旨是欽此

太子太保戶部尚書臣李 等謹

題為糧料並缺事專理新餉山東清吏司案呈天  
啓六年四月十六日奉本部送戶科抄出巡撫  
遼東山海等處地方提督軍務都察院右僉都  
御史袁崇煥題前事等因四月十三日奉

聖旨糧料軍前急需着作速措處本色解到應用該  
部知道欽此欽遵抄出到部送司案呈到部看得  
足兵必先足食有食而後有兵寧遠當奴賊侵  
擾之後空虚正自可慮乃首挾挫歸之忿復圖



西來節據塘報情形已真預備不可不周轉運  
不可不急臣於撫臣揭到即日行文津部院僉  
催去後今於本月十七日接津部黃運泰題稿  
開稱三月十五日起四月初七日止發過寧遠  
鎮米麥豆藟一十八萬三千四百一十六石前  
屯鎮米麥豆藟七萬五千六百六十八石南海  
口米麥豆藟一十六萬八千五百五石通共發  
過四十二萬七千五百八十九石欽奉

明旨着作速措處本色解到應用今餉臣已經完及

頭運足應緩急至於二運則有東莞二府

畿南六府召買米豆可以速催到津候頭運回空  
亦可嗣發及查海運未支糧十萬屯糧十餘萬  
俱行焚燒亟宜蚤議措處一節臣接邸報洪關  
院查明寧前之功與覺華之失等事內云河東  
堡筆架山龍宮寺及右屯之糧無不焚燒但查  
天津前院部畢自嚴申明海運一疏糧料交卸  
地方有南海口中前所前屯衛中右所中後所  
寧遠衛覺華島孫家窪筆架山葫蘆套右屯衛



等處今據疏開筆架山右屯衛覺華島三處原  
係卸糧被焚是的但恐未支十萬屯積十萬未  
必盡貯其中而各衛所豈曾無顆粒之分貯未  
必不因三處被焚而遂駕言盡焚者至於河東  
堡龍宮寺原非卸糧之地願亦與覺華並焚乎  
應查舊年海運實收各卸糧地方某處卸糧料  
若干除五年應用若干尚諉未支若干又查舊  
年各衛所原獲屯糧若干除某衛所燒焚外某  
衛所未燒焚若干通查一的確數目開報以便

臣部再行酌議既經題

請前來相應議覆恭候

命下行文津部關撫司道諸臣逐一細查

奏報臣謹議補施行等因天啓六年四月二十日  
具題本月二十三日奉

聖旨是欽此



太子太保戶部尚書臣李

等謹

題為夷氛未靖防禦宜嚴祈

勅當事諸臣亟脩戰守實務以圖萬全事專理新餉  
山東清吏司案呈天啓六年四月二十三日奉  
本部送戶科抄出禮科給事中盧時泰題前事  
等因本年四月十四日奉

聖旨各鎮兵馬立營操練以備調遣着申飭行談部  
知道欽此又談太子太保兵部尚書王承光題為  
遠哨事四月十八日奉



聖旨是各鎮援兵馬步五萬已有屢旨訓練候調行糧須當預備毋致臨時稽悞各鎮亦不得藉口遷延各有專責務要呼吸相應其餘俱如議着實行諛部知道欽此欽遵俱抄出到部送司案呈到部諛臣等看得奴酋挫歸狡馬匪茹造車造船更思復來雪恥我中防備倍當預嚴整棚各鎮分派兵馬五萬候調奉有

明旨昭如日星議兵必先議餉寧遠所需本色已行津門起運四十二萬所需折色預支一月者已

經臣部那借老庫并外解給發外其於援兵行糧臣隨行文各鎮令沿途州縣預備本色糧料草束以應去訖但各處援兵必繇北直而北直地方既無加派其雜項又作糴本支用則此行糧將何所出臣反覆思維再四籌處計令各諛地方照元年調兵舊例除安家兵部裁定外行糧每把總一員日支廩給銀五分米三升千總一員日支廩給銀八分米三升兵一名日支米一升五合鹽菜銀三分馬一匹日支料三升草



一束如願領折色者米一升五合折銀一分五  
毫量其路之遠邇兵之多寡日之久近約用行  
糧若干起脚地方總給與領兵官令領兵官隨  
行隨給免致各兵花費且得兼程啓行其應用  
錢糧宣大山西及延綏四鎮俱動各該省新餉  
河南磁州山東東兗俱係新兵即以其見食之  
新餉多給一二月以為行糧便自足用獨有保  
定一鎮錢糧難措調兵又多然該鎮去關亦近  
不過半月之期所需亦不甚多查恒山新兵三  
千曾留臣部新餉五萬四千今若議調此兵必  
在先驅即那此餉共充二萬六千兵用尚有餘  
裕候事完日各處將各兵行糧逐一造報臣部  
以憑查算開銷臣查照調兵地方行文令彼中  
文武各官照此預先打點停當烽火一傳即可  
督兵啓行羽書不報姑且訓練候調臣之預備  
行糧毋致臨時稽悞者如此既經題咨前來相  
應議覆恭候

命下臣部行文各該撫按欽遵施行等因天啓六年



言音奏疏  
四月二十五日具題本月二十八日奉

聖旨是欽此

太子太保戶部尚書臣李

等謹

題為異常神奸假咨騙餉請

勅法司嚴行提問以肅法紀以重餉務事專理新餉  
山東清吏司案呈天啓六年四月二十五日奉  
本部送准總督漕運提督軍務巡撫鳳陽等處  
地方兼理海防戶部左侍郎兼都察院右僉都  
御史蘇茂相咨為辨明詐偽事四月初六日據  
指揮楊紹先馬棟齋經畧高第巡撫袁崇煥各  
咨文一角內開急那新餉銀六千三百兩給付



本官買辦段疋立等撫夷之用等語本部院隨  
視二弁動作周章似非善類及啓咨細閱益有  
疑竇從來支取錢糧必奉部文原無違撫徑支  
徑銷之例况撫賞原係順天撫院之事與寧遠  
不相干涉且印文欠端稀密不勻似非

欽鑄銅篆及檢查邸報三月初十日吏部方覆加袁  
撫院職銜而咨文發行日期係僉三月初一料  
此時尚未到任尤屬偽妄時方多事之秋奸宄  
易生假印假官疊出層見况遠人多為奸細其

深情隱隱有出人意料外者不得不窮詰明白  
除行淮海道將楊馬二弁拏究鞠問外為此合  
咨貴部請照來文內事理希查夷賞一節原屬  
順天撫院今果否又屬寧遠其經撫二衙門曾  
否移文知會差委二弁赴淮徑支新餉買段緣  
繇統祈查明咨示施行等因移咨到部送司查  
得本年二月十六日有假官張奇賞等曾假經  
畧咨文到部鴈餉本部查係假印假咨題

請緝拏未獲在案今總漕所咨楊紹先馬棟亦齎經



言音考  
畧巡撫咨文到彼領餉事屬異常相應題

請拏解

京師法司嚴鞠從重治罪案呈到部看得邊疆多  
事錢糧緊急茲究因而生心思圖冒餉先是二  
月寧遠告急突有差官張奇賞等齎經畧咨文  
一角以調東充援兵為名到部討領路費銀六  
千七十兩臣隨咨行經畧稽查據回是假臣即

題

請偏行嚴緝未獲今准漕撫咨稱指揮楊紹先馬棟

齎經畧巡撫咨文到彼中動支新餉六千三百  
兩買辦撫夷段疋及查撫夷段疋戶兵兩部解  
銀山海聽督撫衙門自行買辦從來無經撫徑  
支省直新餉錢糧不繇臣部起解之事况袁崇  
煥加銜奉

旨在三月初十咨愈三月初一其為假餉抑無可疑  
矧印文欠端稀密不勻漕撫辯認甚真乎此番  
假餉與前番張奇賞等假餉即出一手亦未可  
知伏乞



勅下法司速行總漕部院將楊紹先馬棟嚴押解京  
并臣部原題張竒賞等假咨情節一併嚴審依  
律重治庶神茲知所警惕而錢糧不至冒鹵矣  
等因天啓六年四月二十五日具題本月二十  
八日奉

聖旨已有旨了欽此

太子太保戶部尚書臣李

等謹

題為恭報任內收支錢糧以便銷筭事專理新餉

山吏

呈天啓六年三月初八日奉本

共登萊等處地方備兵防海

都察院右副都御史

年三月

叩送



兩零支過銀二十萬五千二百六十三兩零萊  
州府冊開舊新收過銀一萬八千四百五十二  
兩零支過銀一萬九千九百一十二兩零青州  
府冊開舊新收過銀十二萬六千七百三十三  
兩零支過銀十萬三千三十五兩零通共收過  
三十四萬八千二百八十二兩支過三十二萬  
八千二百九兩尚有借支二千二百五兩之應  
補還實在二萬三千三百一十三兩未完四千  
六百七十四兩之候銷美其數前後互搭不能



截然齊一應俟接管新撫照冊清筭至於前撫所存曠銀一萬九百一十二兩零為海外月廩及登鎮脩造之用本撫所存曠銀三千餘兩為旅順脩築番鍾之資皆以餘銀為實際五年所裁兵餉六萬六千三百三十八兩見今咨給海外是又以裁省充新增若夫六年又應有裁省銀六萬六千則諫省宜徑解臣部支用既經題報前來相應具覆恭候  
命下行文登撫每年用過錢糧務於年終

奏繳一年清一年之帳以便銷筭臣等可勝待命之至等因天啓六年四月二十六日具題本月二十九日奉

聖旨是欽此



太子太保戶部尚書臣李

等謹

題為欲用將士之命必須激勸之資懇祈

聖明照例

慨發軍需以充獎賞以勵群情事專理新餉山東清  
吏司案呈天啓六年四月二十七日奉本部送  
戶科抄出督師出鎮總理遼東薊鎮天津登萊  
等處軍務兵部尚書兼都察院右副都御史王  
之臣題前事內稱前任各經臣出邊俱蒙  
皇上慨發軍需銀不等臣不敢多



請伏乞審多寡之間酌中給發俾臣得藉以獎勞三  
軍駕馭諸虜等因本月二十三日奉

聖旨這獎賞急需着查照舊例酌中給發以資激勸  
仍差官作速解去該部知道欽此欽遵抄出到部  
送司案呈到部看得督師樞臣新奉

簡命叱馭臨關行間壁壘旌旗頓為改觀增色據其  
疏稱詰戎視師鼓舞激勸使將帥士卒磨勵以  
需復羈縻西虜丙兔黃台吉虎敦兔憨拱兔男  
及青台吉等諸部落使就漢餌為我用行將繫

奴首以長纓恢久陷之遼水遠山還之

朝廷中外拭目以觀厥成其疏

請獎賞軍需檢查舊例出自兵部與臣部無干但有  
見成錢糧可以動用不必更煩措處何可不明  
言以佐兵部一籌查得樞輔孫承宗視師回籍  
之後有用剩見存銀正項五萬三千三百二十  
四兩九錢零雜項二萬五千六百四十九兩七  
錢零買馬餘剩草乾銀九百二十七兩三錢零  
經略高第回籍之後有用剩實存銀一萬六千



二百八十兩九錢零通共九萬六千一百九十  
二兩此皆的確可據見貯關門取而用之非惟  
不煩措處亦且不煩解運者再查高經畧出關  
發銀十萬今宜酌照此數除前項已有九萬六  
千一百九十二兩再於所收各衙門捐助軍需  
內湊三千八百共足十萬以聽督師賞軍賞夷  
支用將軍需足而勇氣自倍掃蕩廓清端必賴  
之矣臣謹查出具

請伏乞

勅下兵部行文督師衙門取用施行等因天啓六年  
四月二十七日具題五月初一日奉

聖旨是欽此



太子太保戶部尚書臣李

等謹

題為欲用將士之命必須激勸之資懇祈

聖明照例慨發軍需以充獎賞以勵群情事專理新  
餉山東清吏司案呈到部臣接邸報見兵部題  
前事等因該臣等查得錢穀雖係臣部職掌獎  
賞不繇臣部出辦臣前疏似不必題但督師出  
關需賞甚急而內部空乏臣亦稔知因查閣部  
孫承宗總括軍需收支一疏有實存在庫銀七  
萬九千九百一兩零又查經略高第徵臣赴關



伊始一疏有實存在庫銀一萬六千二百八十八兩零俱係見在未聞嗣報開銷故不憚拈出以便督師動支以省內部措處非子虛烏有而更煩兵部後日之慮也其云舊例出自兵部與臣部無干者亦有見於援遼奏議四十七年二月內兵部移咨臣部云安家買馬賞功屬之兵部往例昭然等語故臣敢云然非無所據故為推諉也若備查

會典刻於遼事之前未嘗預有此項然賞賜官軍

一節載在兵部者云軍前激賞勘合銀牌遇有奏討臨時請

旨關給又嘉靖年間題 准備征應援官軍賞銀一

二三兩有差其載在戶部者惟云在外如有

欽依賞賜官軍及賑濟饑民等項戶部酌量會計鈔錠具奏委官赴

內府照數關領昨兵部疏云

勅下戶部備查

會典臣謹查明如此又云恐關門所存未必有九



萬六千臣再四覆查閣部經畧原疏開列甚明  
此銀見貯關門無疑至於此外所找僅三千六  
百耳取之近日捐助軍需內當無慮不足也既  
經兵部題

請臣謹細查具覆恭候

命下兵部欽遵施行等因天啓六年五月初十日具

題本月十三日奉

聖旨這獎賞不足着動支捐助軍需銀三千六百兩  
補完原數該部知道欽此

太子太保戶部尚書臣李

等謹

題為欲掃奴氛先固疆圉謹因職掌敬陳急著伏乞

聖明責成諸臣作速豫防事專理新餉山東清吏司

案呈天啓六年五月初九日奉本部送戶科抄

出河南道監察御史梁夢環題稱餉臣黃運泰

疏謂舊運關糧已付丙丁部覆查覈誠是然一

面查覈一面解補作何料理則責成宜在司農

及運臣關部糧臣此一著可緩乎等因五月初

四日奉



聖旨這本說的是賊謀叵測防禦宜周今內外同心  
文武和協厥臣魏忠賢苦心為國整造盔甲器械  
火砲等項接濟急用大壯軍威樞督撫鎮諸臣還  
宜悉心料理以圖制勝其速解糧料譏防款虜并  
覺華島宿重兵設副將俱係急着諛部速與覆行  
欽此又諛巡撫遼東山海等處地方提督軍務  
都察院右僉都御史袁崇煥題為亟催班軍以  
堅戰壘事內稱秋班例于七月初一日到信今  
年限以六月初十出關應支糧餉所司官員預  
為之備勿俾其缺糧藉口庶早到早完等因五  
月初六日奉

聖旨關外工程宜及時脩築以防凍結班軍應出關  
者限六月初十日俱赴信地額支糧餉先期措辦  
不得稽悞其關內邊牆亦當葺治秋班軍十二營  
應否量留諛部確議速覆欽此欽遵通抄到部送  
司案呈到部查得糧料被燒自應議補但覺華  
龍宮寺一帶僅三四處而遂謂二十萬糧料盡  
付丙丁查報未免不確臣用是疏



請行查覈今御史請一面查覈一面解補誠恐後來  
庚癸不接自是至計然有不得不查明而後補  
者何也不查明則失數無聞何憑解補即補亦  
補之於末運目下且儘天津見在之糧頭運二  
運先起到關俟焚糧查報的確扣筭委欠若干  
即於末運解補然臣因是而深有見於糧之當  
查也去年冬初柳河一劔損將失兵不可數計  
曾不報曰柳河失兵若干應減支糧料若干即  
今覺華一失七千兵士片甲不遺亦未聞報曰  
覺華失兵若干應減支糧料若干惟是一有燒  
燬便責臣部解補此臣部所以未嘗不補而必  
待其查明後補也除臣一面打點糧料候補仍  
一面請乞

嚴勅關上督撫按道諸臣府佐將領等官將所燒燬  
糧料數目查確造冊投報戶科餉院臣部互相  
駁查以憑議補其班軍出關應支糧料本色已  
於五年預計糧料一百三十餘萬內備有此項  
鹽菜銀據呈請每月應發一萬三千餘兩聽山



言音考  
海餉司照數支給既經題

請前來相應議覆恭候

命下欽遵施行等因天啓六年五月十三日具題本  
月十六日奉

聖旨有兵方有餉餉之多寡以兵為準柳河敗衄覺  
華被劫失兵若干應減糧若干如何不見清查一  
槩混請本兵職掌何在着作速行督撫等官確查  
報部以便議補班軍出關糧餉即于預備應支銀  
內發山海餉司給散該部知道欽此

太子太保戶部尚書臣李

等謹

題為鮮糧久奉

特旨南糧未全抵津謹據事直陳仰祈

聖鑒以濟海運以守

舊章事專理新餉山東清吏司案呈天啓六年五月  
十六日奉本部送戶科抄出督理遼東糧餉兼  
巡撫天津等處地方備兵防海贊理征東軍務  
戶部右侍郎兼都察院右僉都御史黃運泰會  
同督餉省直巡按監察御史劉述祖題稱每年



言音  
解關銀八萬兩折米十萬石應于內部新庫湊  
發前餉臣因外解中斷部發維艱以浙江解到  
米折銀五萬四百兩復搜括銀二萬九千六百  
兩代內部湊解以完關門折米之數今宜于內  
部新庫銷筭不宜於天津帶運之內扣除等因  
本月十三日奉

聖旨戶部知道欽此欽遵抄出到部送司案呈到部  
該臣等查得浙江米折銀五萬四百兩初因浙  
江水災遠糧徵解不起浙撫題

請暫折一年以銀解津作米此天啓五年關運額內  
之數也又關門折米銀八萬初因召買不足以  
銀八萬兩作米十萬石折解關門此亦天啓五  
年關運額內之數也在浙江者應浙江解津在  
關門者應臣部解關原係兩事舊年七月內津  
部畢自嚴念部發維艱將浙江解到米折銀五  
萬四百兩并津門搜括二萬九千六百兩湊足  
八萬兩運關以代臣部庫發之數雖臣部免此  
五萬四百之出而津門實缺此五萬四百之額



矣津部黃運泰因臣前疏以所餘南糧十四萬  
八千六百盡抵七年帶運漕糧不及米折遂恐  
此項無有着落故急急以此為言不知南糧係  
倉場之事不得不另外截筭若浙江米折原與  
倉場無與故前疏不及此項今宜以南糧所餘  
十四萬八千零仍作七年漕糧帶運之數而浙  
江米折銀五萬四百兩當于臣部照數補還聽  
津部下年奏作關運之額庶兩事俱得清楚矣  
既經題

請前來相應具覆恭候

命下移咨天津部院欽遵施行等因天啓六年五月  
十五日具題本月十八日奉

聖旨是欽此



太子太保戶部尚書臣李

等謹

題為特舉節省司官懇

賜優異以旌廉能以風各差事專理新餉山東清吏  
司案呈奉本部送據監督天津糧儲贖理遠餉  
本部河南清吏司郎中王若之呈為節省存新餉  
銀兩事內稱外解不敷本月月餉不敢呈請卑  
職有節存銀一萬一千餘兩可抵一月月餉又  
卑職節省五年運價銀二千三百餘兩可作六  
年運價之用終歲收放粟米六萬除職報過餘



米四千餘石俱已作正支銷外今又額外節省米一千石職司簡司也職倉小倉也出入無多向來刻意節省不過盡職分所當為求無負于部堂無負于君父等因又查得天啓五年七月內該本部劄准天津院部畢自嚴咨稱照得津門新兵近因奉文減汰一切軍逃馬倒俱不招買以故逐月糧餉槩多節省支放月餉掛號文冊可覆按也該司王員外郎會計既精出納攸當欲將節省之銀扣為七月之餉當此部帑

空匱之時補濟良不為淺為此合咨查照應發天津鎮七月分新兵月餉銀兩免賜批發即將該司所報節省銀作為七月一月月餉其八月以後照例給發等因到部又該天津倉王員外郎呈同前事各等因到部送司查得津倉王員外見新餉匱乏陸續節省銀一萬一千四百六十二兩二錢一分零解發該鎮抵充七月一月兵餉具見節省浮杜濫為

國急公然非燭奸剔蠹飲藥茹冰何以一月之放



僅以萬餘計而一年之節遂能若此倘各鎮皆能如是何憂新餉之不敷也相應劄回該倉即將此銀充作七月兵餉仍將八月分請餉呈內明開實用銀若干以便劄庫給發王員外節存有功統俟任滿考覈之日並為紀錄呈堂奉批准劄回奉此案呈到部擬合就行為此合劄本官查照劄內事理遵行等因在案今本官又有節存銀米如許之多具見清操苦心匱乏

國計實嘉賴之相應題

請優異以示勸勵案呈

到部看得今日財用匱乏極矣生財之道已講求盡矣惟是極力樽節無使觴溢卮漏塞得一分耗孔庶裕得一分經費耳今天津倉郎中王若之司倉將及三年年年節省一銖一鎰即以抵月餉一粟一粒即以當正支臣查其歷來節省過銀米一次銀一萬一千四百六十二兩二錢一分一次銀一萬一千二十六兩二錢一分一次銀二千三百餘兩一次米四千餘石一次米一千石通共省銀二萬四千六百餘兩省米



五千餘石及查其所司每月月餉不過一萬有餘歲粟不過六萬有餘乃能節省如是使一時鈔關倉儲差官盡如本官則侵漁冒破何實不塞而國家錢糧何憂匱竭近談臣部右侍郎靳題為奴酋再逞可虞一疏臣部覆

准糧儲管倉果能廉幹樽餘萬以上計者考上移咨吏部優遷奉

旨遵依在案今本官樽銀二萬四千有奇米五千有奇似當破格優擢以風庶司以為節用足

國勸相應題

請恭候

命下臣部移咨吏部將郎中王若之照題

准事例即與優擢施行等因天啓六年五月十五日

具題本月十八日奉

聖旨是欽此



太子太保戶部尚書臣李

等謹

題為災異洊至不已回天無計可憂懇乞

聖明深惟

社稷之重覃精

昭格之實收人心以

事

天心事專理新餉山東清吏司案呈天啓六年五月

二十六日奉本部送戶科抄出浙江等道掌道

事陝西道監察御史賈毓祥等題前事等因本

月二十五日奉

聖旨大錢還遵前旨高低並收諛部知道欽此欽遵



抄出到部送司查得大錢一款已經另題收買盜賊之變事係兵部外其推關催征屯田三款應本部覆案呈到部看得關市之征南北共七要津年來因經費浩繁各關皆有增稅裕

國通商之術此時倍當講求乃有權力勢豪闖出闖入上損

國課下拂輿情為從來各關之蠹使推使莫之敢問其所按船頭而抽採者惟是本等生理獨受其累情法不均莫此為甚今後凡有攬坐商船夾帶貨物橫行關津公然不納貨稅者許權使即以脫漏商稅把持關津據實奏

聞下部議覆懲處一二以儆其餘亦禁奸戢弊通商裕國之一道也考成之法自藩司以至州縣一體查叅此舊例也近因邊餉積逋太多題奉明旨責成撫按亦謂藩司之權可行于府州縣而撫按之權並可行于藩司撫按留意諛屬莫敢不遵臺臣謂錢糧不完撫按停陞停滿分地分項各管各催此議極善洵是救時長策足



言音考  
國許謨第撫按屬同一地事同一體合而分之一  
而二之便于臣部或未便于撫按臣實私切心  
服而未敢主于必行至于遠餉係揄關命脉全  
恃督餉御史查叅完欠稽覈出納撫按督催于  
外餉臣督催于內實與撫按並重且與天津部  
院相為表裏一切關鮮轉輸尤利賴之此差最  
為喫緊同心體

國同舟共濟臣部所依藉于餉臣者甚重縱撫按  
可分管而餉臣不可一日無也屯田之議章滿  
公車昨歲關外耕屯收穫糧料十數萬成效已  
覩倘引而申之推而廣之關門內外豈盡斥鹵  
不毛盡人力以收地利藜蕪莽堰皆可連為阡  
陌惟是奉行不力視為迂濶有屯之名無屯之  
實空費屯本未見屯利且縱有收穫不為開報  
祇供貪弁侵牟今宜

勅令關門內外道將務廣屯種有能屯廣而獲多者  
臣部題

請紀錄優擢其屯收糧料秋成據實報部以筭津運



本色此皆臣部所屢經條議再四申飭者更祈  
明旨嚴諭着實舉行所裨軍國當非淺鮮矣相應  
覆請恭候

命下行文省直關門撫按督餉御史并推關差官欽  
遵施行等因天啓六年六月初四日具題本月

初七日奉

聖旨是依議行欽此

太子太保戶部尚書臣李

等謹

題為仰承

明旨恭報兵船前赴覺華之期并陳海防未可盡撤  
之故再酌出守定為年班之例統祈

聖鑒事專理新餉山東清吏司案呈天啓六年五月  
二十二日奉本部送准巡撫登萊等處地方備  
兵防海贖理征東軍務兼管糧餉都察院右僉  
都御史李嵩揭帖前事內稱議發覺華島船五  
十隻官兵七百七十五員名諛修船銀二千四



言音考  
三百五  
百兩該加廩行等糧一月計銀六百九十九兩  
暫借登州京邊額項用係急需難容緩補止有  
山東布政司原貯登州裁汰餉銀六萬餘兩相  
應動支補還等因又准兵部咨為求歸未

允聞 命愈恭先將應行頭緒伏乞

聖鑒事內稱將登鎮撥發覺華島船兵七百七十五  
員名用過行糧聽該撫於減汰銀內銷筭等因  
俱到部送司案呈到部照得覺華為寧遠觜角  
嚮宿重兵以資防禦自今春兵燹而後一島為

之盡空見今復議調補設防故登撫以船五十  
隻應以官兵七百七十五員名應夫凌萬項之  
茫然固須舟楫歷三千餘里波濤以荷爰從戎  
又須行糧登撫一時權宜暫那京邊錢糧以為  
脩船行糧之用而議以原貯登州裁汰餉銀動  
支補還臣查脩船係工部職掌聽於該部錢糧  
內撥補外行糧應臣部出辦即宜照兵部咨稱  
於裁汰銀內銷筭但裁汰一項本年三月內登  
撫咨請或解關門或給海外臣部因毛帥請餉



言音  
遂咨准以此銀就近給發是此銀已為毛帥之  
銀不便復為別項動支然行糧止六百九十九  
兩為數不多合於就近府分新餉錢糧不拘何  
項動支六百九十餘兩以補前借仍咨回臣部  
開銷而原汰銀六萬餘兩仍聽毛帥取用事方  
畫一既經咨揭到部相應題覆恭候

命下行文登撫欽遵施行等因天啓六年六月初五

日具題本月初八日奉

聖旨是欽此

太子太保戶部尚書臣李

等謹

題為吏弊受賄飛灑遠餉漏派成通上違

明旨下累疲民事專理新餉山東清吏司案呈天啓  
六年三月二十七日奉本部送戶科抄出刑部  
貴州清吏司主事楊惟相奏前事等因本年三  
月十九日奉

聖旨戶部知道欽此欽遵抄出到部送司隨經據抄  
具文呈堂移咨撫按行查去後至今未見回覆  
相應請



旨速查報部案呈到部查得加派遠餉原按會計錄  
所載田地每畝加增九厘未嘗有加有不加也  
臣部以九厘派之司府司府亦應以九厘派之  
州縣豈宜有多派有不派也今據楊惟相疏稱  
豐城縣田地額一萬四千五百七十二頃零照  
九厘起派該銀一萬三千一百一十四兩八錢  
五分零今派銀一萬八千六百七十兩是多派  
銀五千五百五十五兩五錢五分矣高安縣田  
地額二萬三千六百一頃零照九厘起派該銀

二萬一千三百四十一兩一錢三分零除多派

豐城者其餘復派之別州縣則是高安分毫不

派矣夫按籍起課高安非獨不隸版圖計畝徵

餉豐城豈能地加改闢似此輕重不均彼中司

道或有深意于其間非臣部之所得知要之物

不得其平則鳴豐城既不能相安於無言則多

派與不派之故豈可不一問者至如楊主事所

云高安歛銀八百兩私送糧道書手遂行飛灑

則又似明指出猾胥作弊實証矣合行該省布



政司督糧道確查豐城之所以多派者何以故  
有無飛灑高安之所以不派者何以故是否遺  
漏有無吏書受賄情弊再查豐城多派作何豁  
除高安不派作何徵補如果吏書作弊速行究  
處劄奏報毋再遲延以叢民害相應題

請恭候

命下行文撫按布政司轉行該道將豐城高安二縣  
地畝加派并行賄受賄人犯作速查確

奏報施行等因天啓六年六月二十四日具題本月

二十七日奉

聖旨是即行該撫按速查豐城高安二縣加派何以  
不均并行賄受賄人犯查確奏報以憑重處欽此



太子太保戶部尚書臣李

等謹

題為關庫積存已盡犒賞待用難緩再懇

聖明勅部議發用濟急需事專理新餉山東清吏司  
案呈天啓六年六月二十五日奉本部送戶科  
抄出督師出鎮總理遼東薊鎮天津登萊等處  
軍務兵部尚書兼都察院右副都御史王之臣  
題前事等因本月二十二日奉

聖旨着戶部作速議發以濟急需欽此欽遵抄出到  
部送司案呈到部該臣等查得閣部孫承宗原



奏存剩在庫銀七萬九千九百二兩零經畧高  
第原奏存剩在庫銀一萬六千二百八十八兩  
零故臣敢據之入

告以為督師犒賞之需今督師疏稱管庫同知王應  
豫所呈閣部項下較原奏多存庫銀三萬五百  
七十八兩經畧項下較原奏多還官銀二萬九  
千二百六十八兩又經畧項下較原奏多開銷  
銀一十一萬八千三百六十五兩臣再舉閣部  
經畧之疏查之與臣部之疏無異據今日王同

知所呈則與閣部經畧之疏互異矣其間多寡  
乘除真有如督師所云不必深求者臣但秉公  
持慎有者不敢謂無無者不敢謂有開除者不  
敢謂不當開除實在者必須據作實在大約孫  
高二臣之所存庫并後來所開二項還官應有  
一十五萬六千三十六兩且不止十萬矣督師  
既謂不必深求臣亦僅就督師送到文冊磨算  
舊管項下海運廳五萬三千九百六十兩管關  
廳二萬五千三百四十六兩新收項下還官銀



言音考  
二萬二千二百八十九兩是督師已收過十萬  
一千餘矣其中督師多有移為別項之用者要  
不得謂非實在之數又不得因別項用去而再  
索臣部一番犒賞也况臣部歲缺餉銀二百餘  
萬中外諸臣莫不代臣仰屋近未雜項錢糧又  
強半為別處分去今又多出此一番犒賞之費  
則缺額又不止二百萬而臣部益苦矣但督師  
詰戎勵兵非得犒賞之需無以作三軍之氣而  
淨奴虜之氛臣部雖極匱乏萬苦難措不得不

勉佐一二姑於月餉內暫那三萬兩以濟督臣  
急需查見有山海委官胡士恭在部候領徑聽  
赴庫領去交與督師為犒賞之用不宜再用之  
賞夷繕械買馬諸費以致犒賞仍歸烏有也至  
於月餉那為犒賞則月餉益將不繼臣部又增  
一番殷憂再查閣部原疏各道營借支甚多除  
已還官外尚該有四萬七千三百九十五兩速  
宜催還以抵月餉臣部即于後月月餉之內少  
發前數補以還官庶彼此兩成而無悞矣既經



言部奏  
題 請前來相應題覆恭候

命下臣部劄付新餉銀庫兌銀三萬兩聽胡士恭領  
去交付督師衙門以充犒賞并咨督師照數查  
收及速催還官以抵月餉等因天啓六年六月  
二十六日具題本月二十九日奉

聖旨是欽此

太子太保戶部尚書臣李

等謹

題為清查事例銀兩據實回 奏祈

勅酌議開銷以免虛懸追迫事專理新餉山東清吏  
司案呈天啓六年六月二十一日奉本部送戶  
科抄出南京戶部尚書畢自嚴題前事等因六  
月十六日奉

聖旨戶部知道欽此欽遵抄出到部送司案呈到部  
照得南都事例原為遠餉而開當盡數解部充  
餉不得別項借支即間或權宜動借旋當照數



補還今南京戶部尚書畢自嚴清查到事例銀  
兩天啓二年起至天啓五年終止共收過銀四  
十一萬九千九百九十四兩八分較臣部原催  
多十二萬有零及查其起解開銷如主事萬燦  
買銅六千二百一十兩李思敬買銅一萬五百  
兩商人常楫買銅六千八百兩於天啓二年解  
過銀二萬兩天啓四年解過銀三萬兩天啓六  
年解過銀四萬兩陸續解過銅錢除錢息八萬  
四千二百三兩七錢零外鑄本銀一十三萬一

千九百四十兩共二十四萬五千四百五十兩  
俱係到部實數其天啓二年援遼募兵支過銀  
四萬九千三百七十四兩四錢零天啓三年解  
過蜀餉四萬兩俱有臣部咨文應與開銷其水  
陸新兵共支二萬初無臣部咨文該部謂為蓮  
妖動支總係用之軍興并附正支亦當一併開  
銷獨是漕運水手借支六萬二千四百一十一  
兩四錢此項原有本等工食借支之後應即補  
還該部以童郎中遺下銅鉛值銀二萬五千五



百一十四兩三錢并前解部銅錢內有多解銀  
五百一十九兩二錢五分俱抵還前銀外尚欠  
三萬六千三百七十七兩八錢五分以外解不  
到與與豁免臣惟遠餉缺乏分毫皆係榆關命  
脉該部與臣共事時固所稔知而備嘗者即今  
將見在貯庫銀二千三百七十七兩四錢并存  
遺鑄本二萬五千五百一十四兩隨即差官起  
解以後例銀又不容別項借用該部曲體臣部  
之情臣極感之而此漕運借支銀仍宜陸續補

還臣猶望該部之加意也既經題

請前來相應查覆恭候

命下臣部行文南京戶部欽遵施行等因天啓六年  
六月二十九日具題本年閏六月初二日奉

聖旨是欽此



太子太保戶部尚書臣李

等謹

題為時勢可乘求謀難遂懇乞

聖明亟

勅該部速發錢糧器具以資軍實以完勦滅事專理

新餉山東清吏司案呈天啓六年七月初七日

奉本部送戶科抄出平遼便宜行事總兵官左

軍都督府左都督毛文龍題前事等因本月初

五日奉

聖旨着戶工二部作速查發欽此欽遵抄出到部送



司案呈到部談臣等查得毛帥兵餉天啓元年  
初起之時止給本折二十萬至天啓三年請增  
而天啓四年遂給以本折共四十萬天啓五年  
又復請增故見今天啓六年於四十萬額外又  
加十一萬六千餘兩共計有五十一萬六千矣  
此五十一萬六千內談天津發米十萬石布二  
萬疋登州發米十萬石銀二十萬兩又六萬六  
千兩又新庫發銀五萬兩毛帥所請速發錢糧  
者蓋前項錢糧未能一一運到海外孤軍不免

患庚癸之呼耳臣今除天津運過米十萬石布  
二萬疋駱中書解過銀一萬兩外未發在庫銀  
四萬兩亦已給天津部院委官王文憲領解訖  
其在登米十萬石并銀二十六萬六千兩即咨  
山東登萊撫臣作速起運自足以濟秋冬牽勦  
之需若用餉百萬便足鳩巢此固千古美談文  
夫壯志而毛帥之能事但臣部歲額入不敷出  
缺額二百餘萬加派已無可復加搜括又無可  
搜捉襟露肘之窮言之已不啻舌敝唇焦而榆



關之上軍士增餉米豆增額各鎮召買增價且日請而未已臣此時惟有肉可剝而剝肉又不可以充餉則百萬之餉談何容易至於先今所稱裁天津東充磁州真定不急之兵以其餉餉海外臣甚是之夫天津去關尚遠不過日防奴之揚帆航海耳然舊兵亦自足用東充磁州真定腹裡之地平成之處非戰非守非牽制非應援新兵奚為乃天津之裁已經去年題

請或全或半至今尚未報部東充磁州真定之裁亦

經今年四月會議歸補遠餉缺額亦未回報今應嚴催速裁勒限報部轉應毛帥之請今奉

明旨作速查發謹將應發錢糧作速行文催發其應裁新兵亦即行文速裁以憑給發相應覆

請恭候

命下欽遵施行等因天啓六年七月初十日具題本月十三日奉

聖旨是欽此



太子太保戶部尚書臣李

等謹

題為虜情叵測秋防正殷謹

請預備三月本折糧料以圖萬全事專理新餉山東  
清吏司案呈天啓六年七月初十日奉本部送  
戶科抄出督師出鎮總理遼東薊鎮天津登萊  
等處軍務兵部尚書兼都察院右副都御史王  
之臣題前事等因本月初八日奉

聖旨所請預備三月糧料着戶部作速措發星馳解  
去不得遲悞欽此欽遵抄出到部送司案呈到部



看得奴酋自寧遠挫歸後無日不懷憤欲逞在  
我亦無日不思患預防今當秋高弓勁之時西  
向牧馬之信得於偵探者甚悉關門兵馬既已  
蓄威養銳以待何難制奴之死命而奏一月三  
捷之功督師謂兵馬可以操縱應手而糧料恐  
難咄嗟立辦預請三月糧餉以為有備無患之  
計臣查本色米豆出自津門頭運二運據餉部  
所報俱已到關三運隨後啓行俟到日則一年  
運務皆完秋冬俱已有備折色發自臣部往皆

按月給發但得一月見完一月即為厚幸今春  
寧遠四萬透支不免借及老庫至今尚未補還  
三月預給是豈容易乃臣數月以來所腐心百  
計破面而爭已無日不為榆關宜索地今奉

聖旨預備三月糧料着戶部作速措發臣謹將新庫  
見存銀兩盡數預發關門星馳解去以完七八  
九三日月餉以聽關門督撫防剿之用九月以  
後臣部仍前逐月給發督撫須將預給錢糧照  
月支銷不得因項贖在庫便為別用然臣又有



不得不預為之請者月餉月月了當乃是正理  
今乃一呼而以三個月請一應而以三個月給  
此豈有天兩地湧點鐵成金之術竭澤而漁明  
年無魚焚林而獵明年無獸臣今悉索以應後  
日恐愈難支倘後日援之為例而又以三月索  
各鎮援之為例而亦以三月索則臣一片苦心  
所拮据盡瘁而應之者適以自貽伊戚矣除不  
得為例外伏乞

皇上再為

嚴勅省直撫按將新餉錢糧速催起運以相接濟不  
則關門得三月之餉於臣部而臣部不能得三  
月之餉於省直將俱其中斷而不繼也相應題  
請恭候

命下欽遵施行等因天啓六年七月十一日具題本  
月十三日奉

聖旨關門預備三月錢糧着遵前旨作速給發實為  
虜情叵測各鎮不得援例欽此



太子太保戶部尚書臣李

等謹

題為查出節年被劫違餉請

旨立限嚴追以重錢糧以警將來事專理新餉山東  
清吏司案呈案查天啓三年九月內陝西解官  
魏訃解新餉銀至北直順德府沙河縣地方被  
劫去銀二萬一千一百五十兩除當時追獲銀  
二千五百餘兩又於陝西追獲銀四千八百一  
十四兩尚欠銀一萬三千八百三十餘兩又天  
啓五年十月內江西差官吳雲鵬解新餉銀至



南直廬州府合肥縣護城驛地方被劫去銀一千二百五十兩除驛官馬夫賠過銀六百二十五兩合肥縣署印同知張邦政賠過銀三百一十二兩五錢外尚欠三百一十二兩五錢又天啓六年三月內福建差官賀有徵解新餉銀至浙江衢州府常山縣城外被劫去銀四千五百兩除當時追獲三千五百五十兩外尚欠已獲未解銀一十三錠未獲應追銀三百兩竊照錢糧關係重大既不能悉之事前用心防護以保無虞又不能懲之事後及早追賠以贖罪辜疎虞怠玩莫此為甚事干緊急軍需豈可聽其因循不為催究相應請

旨立限嚴追案呈到部諛臣等看得錢糧係三軍命脉起解防護宜慎必押解官員與經籍地方互相戒嚴以保無虞豈得等閒相視致令徃徃以劫剽見告且不行緝拿不行賠補月復一月年復一年竟委之為不了之局而付之于無何有之鄉成何法紀臣查陝西解官魏詩一案實緣



臨洛關不行防護所致該地方文武官員已經  
臣部題

請追賠至今三年尚未賠補毫末劫賊出自山陝二  
省陝西既已緝獲二十三人追銀四千八百一  
十兩二錢二分矣其賊首王才洪等二十餘人  
多係山西人苗可萬王宰趙尚責崔尚務已經  
山西臨縣及保德州河曲縣拿獲至今未報其  
餘住居地方甚悉倘地方官肯設法緝捕豈得  
漏網柰何養奸蓄寇而不一追究耶初劫之時

解官魏訐報失銀二萬一千一百五十兩後劫  
賊招出實劫銀三百七十六錠計一萬八千八  
百兩其間多報二千三百兩將何下落乃解官  
魏訐猶逍遙於事外晏然於宦邸而不一究問  
有是理乎又查江西解官吳雲鵬一案於護城  
驛館中寅夜盜去銀一鞘為盜者係本地之慣  
賊陳龍揖盜者即巡守之庫子總甲養虎貽害  
委鼠守倉是誰之過其為該縣該驛之應追應  
賠固無疑矣該府申令解官賠銀三百一十二



兩五錢其何以釋地方之擔而服解官之心况  
陳龍首從十有餘人當時就縛一千二百五十  
餘金豈至一時羽化而盡乃迄今已將一年尚  
議攤貽終是延捱支吾又查福建解官賀有徵  
一案據本官呈稱常山縣不應陸路夫馬竟撥  
小船數隻更夫四人當夜二鼓大盜數拾劫去  
錢糧三鞘果爾則是該縣明明以糧資盜矣尤  
可異者已獲銀一十三錠應即付本解起運乃  
捐不解部未獲銀三百兩亦應當時補足竟不

### 議賠夫

朝廷錢糧不加防護責將誰諉守土官司不能弭盜  
職掌何在况劫而不緝盜賊得以肆志失而不  
賠人心罔知懲戒雖已經臣部題

請責令賠解查催不啻再四而各該地方官慢不經  
心徒捱歲月軍

國重務豈容屑越至此臣請立一限期勒令賠解  
常山護城限八月內沙河為時已久為數亦多  
姑限八月先解一半其一半限冬季通完如云




言言奏疏  
該縣該關力不能完撫按道府設法均完山西  
縱盜不緝應先坐賠候該省獲盜追贓補還其  
解官魏訐多報二千三百兩保定陝西二撫院  
當查明責令照數速賠勿得稽遲違限致干重  
處相應題

請恭候

命下行文南直浙江保定山陝各該撫按欽遵施行  
等因天啓六年七月十二日具題本月十五日  
奉

聖旨是欽此





言音

三



